

Gvangjsih Minzcuz Bau

Guenjbanh: Gvangsiah Bouxcuengh Swcigh Minzcuz Cunghyau Swvu Veijyenzei

Okbanj: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2021

Nd.10

Ng.20

Liggaeuq sincouj nienz ndwengouj cibngux

Geizsoq: Gungh daih 3495 geiz

Siz Ginbingz Fak Saenq Cukhoh Raen Vwnzva Yangjsauz Caeuq Gaujgujyoz Daihneix Cungguk Ndaej 100 Hopbi 习近平致信祝贺仰韶文化发现和中国现代考古学诞生100周年

Sinhvazse Baekging ndwen 10 ngoenz 17 dien Youq mwh raen vwnzva Yangjsauz caeuq gaujgujyoz daihneix Cungguk ndaej 100 hopbi, Cunghung Cunghyangh cungsuhi, guekgya cujsiz, Cunghyangh Ginhveij cujsiz Siz Ginbingz fak saenq cukhoh, daiqbiuj Dangicunghyangh cukhoh caeuq camnai gyoengq boux-guhhong gaujguj daengx guek.

Siz Ginbingz ceijok, 100 bi doxdaeuj, geij daih vunz gannanz cauuh, roengzrengz mbouj soeng,

aeundaej cingzeik gaujguj baenzroix, langhbaib le gij goekgaen Cunghvaz vwnzmingz, meglh hwngfat, cingzeik ronghlwenq caeuq doiq seiggyaiq vwnzmingz gung' yen hungnaek, vih engq ndei roxnaj Cunghvaz vwnz-mingz goek gya rag raez, gvangq-langh naeklaeg fatok le cozyung youqgaen.

Siz Ginbingz maqmuengh gyoengq bouxguhong gaujguj gyalai roxnyinh sawjmingh caeuq cwzyin lizsij, fatyengz gij cienzdoengj ndei

siujsim caen guh, ganhoj buekguh, gyaehong okrengz, laebdaeb damqra giz caengz rox, biengloh goekrag, roengzrengz hwnjguh aen gaujgujyoz miz daegsack Cungguk, miz funggek Cungguk, miz baijdaez Cungguk, engq ndei langhbaib yienghndei Cunghvaz vwnzmingz, fatyengz gij vwnzva cienzdoengj maenhndei Cunghvaz, vih saedyienh aen siengmuengh Cungguk Cunghvaz Minzcuz fukhwng hungmbwk langh'ok rengz hung moq.

Aen Hoih Geiqniemh Raen Vwnzva Yangjsauz Nem Gaujgujyoz Daihneix Cungguk Ndaej 100 Hopbi ngoenz 17 youq Hoznanz Swngj Sanhmwnzyaz Si haimuq, youz Cungguk Sevei Gohyozyen, Guekgya Vwnzvuz Giz, Hoznanz Swngj Yinz-minz Cwngfuj caezcaemh cawjbanh. Bi 1921 ndwen 10, Hoznanz Swngj Menjiz Yen vat dieggeq Yangjsauz, hainduj le gaujgujyoz daihneix Cungguk.

Bingzsenj "Saulengj" Yinx Hek Daeuj Lijyouz Canjnieb Bang Saenqhwngh

“龙女”评选引客来 旅游产业助振兴

Bonjbauq Siusik(gicej Moz Beibei Vanz Yinz)

Ndwen 10 ngoenz 15, Yungzsuij Myauzcuz Swciyen Swyungz Yangh Yungzdi Mbanjdung sing ciengq go, sing riu youq gyang luegbya haprwenz, haujai bouxhek dingz din yawjgonz.....Gizneix cingq guh bingzsenj "saulengj", ring bya, baij gai doxgaiq reihnaz daengj hozdung, gizgiz miz gij feih ranzmbanj noengznwd, yinx ndaej bouxhek gya' gyawj daeuj yawjgonz. Linghvaih, lij youq laeuzgyong Mbanjdung baij ngaizdaizraez daih bouxhek dem, sing riu youq ndaw laeuzgyong goksasa, cauhaenz vek fuk lijyouz lajmbanj gyaendei ndeu.



2021 Cungguk-Dunghmungz Bozlanjvei Lijyouzcanj Yienzmuenx Gietsat 2021 中国-东盟博览会旅游展圆满结束

Ndwen 10 ngoenz 15 daengz ngoenz 17, 2021 Cungguk-Dunghmungz Bozlanjvei Lijyouzcanj (bah-laj heuhguh "lijyouzcanj") youq Gveilnz Si banh sat. Gaiq lijyouzcanj neix yungh gij hingzik langhbaib "ndaw bouq baij + gwnz muengx baij lijyouz", ndaw bouq langhbaib gveihmoz dwg 2.5 fanh bingzfuengmij, gungh miz 50 aen gihgou youq Cungguk guekgya caeuq dieg rog guek, 15 aen swngj (swcigh, cizyazsi) ndaw guek, Gvangsiah 14 aen si comz vunz camgya langhbaib, Dunghmungz cib guek cienzbouh daeuj camgya langhbaib.

Ciuq cam rox, gaiq lijyouzcanj neix daegbied cingj bouxcawx mauhgvaq 300 boux, ndawde bouxcawx ndaw guek daj 23 aen swngj (swcigh, cizyazsi) daeuj, gwnz muengx bouxcawx rog guek daj 20 aen guekgya caeuq dieg daeuj. Ndaw bouq laebnda miz aen guenj cawjdaez "rangh ndeu loh ndeu", aen guenj cingbinj lijyouz rog guek, aen guenj cingbinj lijyouz ndaw guek, aen guenj cangboiq lijyouz canjnieb, aen guenj sawjcienz lijyouz caeuq aen guenj huq lijyouz gozci daengj 7 aen guenj hung, baugvat yienghsiengq lijyouz,

sawjcienz lijyouz, huq lijyouz, cangboiq lijyouz canjnieb, coengmingz lijyouz, vwnzboz vwnzcang 6 aen loihhingz.

Ciuq cam rox, gaiq lijyouzcanj neix engq doedok le langhbaib sawjcienz lijyouz, gyalai najdieg langhbaib dieg sawjcienz, gungh laebnda miz cangboiq lijyouz canjnieb, sawjcienz lijyouz caeuq huq lijyouz gozci sam aen guenj langhbaib sawjcienz lijyouz, doengzseiz cujeiz giyez camgya langhbaib doiok lai hangh banhfap sawjcienz lijyouz hawj beksingq ndaej leih, gyavaiq doidoengh dauqfuk lijyouz ginghci caeuq lijyouzyez hwngfat youh ndei youh vaiq. Youq yawhfuengz guenjhanh binghraq lajde ok rengzhoengh hawj sawjcienz lijyouz, dauqfuk ginghci; diuzcingj laeb aen guenj sawjcienz cangboiq lijyouz, doenggvaq aen bingzdaiz langhbaib lijyouz haiguh canjnieb ciu seng'ei, yinx ndaej engq lai giyez cangboiq lijyouz haeujsim, an' gya Gveilnz Si; Gugungh Bozvuzyen, Guekgya Duz-suhgvanj, Cungguk Meijsuzgvanj daengj aen guenj mizmingz Cungguk camgya lijyouzcanj, yienh'ok vwnzva yenzsu doxhab.

(Ciengj Yauz)

Cuengh Gun Song Vah-saw Hag Coenzgim

壮汉双语学金句

Giengz guek itdingh giengz bingdoi, bingdoi giengz cijndaej guekgya an'onj. Genhciz aendangj ceijbaij cungq, hwnjguh bingdoi bekkingq bonjfaenh, dwg gij caenleix maenhsaed aendangj youq ndaw doxdaeuj doxhoenx ndaej okdaeuj.

——Gij gangjavah Siz Ginbingz youq Aen Hoih Angqhoh Cungguk Gungcanjdangj Laebbaenz 100 Hopbi

强国必须强军,军强才能国安。坚持党指挥枪、建设自己的人民军队,是党在血与火的斗争中得出的颠扑不破的真理。

——习近平2021年7月1日在庆祝中国共产党成立100周年大会上的讲话